

**BAPTIST CHURCH OF MIZORAM  
ASSEMBLY EXECUTIVE COMMITTEE MEETING**

**A hmun : Sap Upa leh Pu Buanga Hall**

**A hun : August 29, 2012 @ 10:30 Am**

**A. THILTIH HMASAKTE :**

- 1. Tanna – Devotions :** Rev. F. Sangvela BCM President Elect in meeting a kaihruai a. Kristian Hlabu No 16-na “Aw Pathian, Nang Lalber i ni” tih hla dingin kan sa a. Pathian Thu Exodus 33:12 – 14 a chhiar a. Israel fate hnenah Lalpa a awm zel avangin vawiin hian Lalpa chu kan hnenah a awm ve zel a. Roreltu pawhin taima taka rorel tur kan ni tiin Palaite hnenah thuchah a sawi a. Pathian hnenah tawngtaiin meeting a hlan. (BCM President Rev. Dr. Raltawnga chu BCTA Meeting New Delhi-a a kal avangin President Elect in meeting a kaihruai a ni)
- 2. Minute Secretary ruat :** Nomination Committee a thut hman loh avangin Minute Secretary turte ruat hman a ni lova. Puipate inberawnin Rev. Samuel Lalremsanga leh Pu KMS Dawngliana a ruat a, pawm a ni.
- 3. Palai hming lamna :** Palai hming lam nan inchhiarna form siamsa semin Palai tinin mahni hming ziak a ni a. Member 161 kan ni.

**B. REPORTS :**

1. **General Secretary :** General Secretary, Rev. H. Lianggaia'n report a pe a, report hi ziaikin sem a ni. Hrilhfhiah ngaite inhrilhfhiah a ni.
2. **Associate General Secretary Mission :** AGS Mission Rev, Dr. K. Lalrinthanga'n report a pe a, ziaikin sem a ni bawk. Report atanga zawhna awm theite chhangin inhrilhfhiah a ni.
3. **Associate General Secretary Service :** AGS Service, Rev. C. Ngurhnema'n report a pe a, ziaikin sem a ni bawk. Report atanga zawhna awmte chhangin inhrilhfhiah a ni.
4. **Finance :** Finance Manager, Pu K. Lalrohluwa'n Finance report a pe a, ziaikin sem a ni bawk. Hetiangin :
  - (a) Receipt & Payment Account (1<sup>st</sup> April 2012 – 31<sup>st</sup> July 2012)
  - (b) Budgetary Control (1<sup>st</sup> April 2012 – 31<sup>st</sup> July 2012)
  - (c) Target pek dan (1<sup>st</sup> April 2012 – 31<sup>st</sup> July 2012)
  - (d) Pension Board
  - (e) Healthcare Scheme
  - (f) Employees Saving Scheme

**C. AGENDA :****1. CENTRAL COMMITTEE THUTE :**

- 1.1 **Gideon International-in BCM recognition a dilna :** Khawvel pum huapa a thlawna Bible sem darhtu pawl, Gideon International Lunglei Chapter chuan an rawngbawlna kawngah BCM hriatpuina (recognition) an rawn dil a. Administrative Committee chuan an pawl kalphung leh dinhmunte a zirchian hnuaah recognition pek tha a ti a, Central Committee-ah thlenin Central Committee chuan Assembly Executive Committee-ah a rawn thlen a ni.

Ngaihthuah a ni a, an rawn dil ang hian Gideon International, Lunglei Chapter hi recognized remtih a ni a, Assembly-ah thlen nise, tih a ni.

- 1.2 Chakma Kohhran din chungchang :** BCM Planning Commission 2010 chuan hun lo la kal zelah Chakma Kohhran pawh Bru Baptist Church (BBC) kan kalpui anga kalpui tum nise tiin ruahmanna a siam a. Hei hi hre reengin Chakma Kohhran a din thuai theih nan Chakma Kohhran Hruaitute chuan Administrative Committee-ah an rawn thlen a. Administrative Committee chuan Central Committee-ah a thlen a. Central Committee chuan write-up nen Assembly Executive Committee-ah a rawn thlen a ni.

Chakma Baptist Church din tura ruahmanna ziakin sem a ni a, Associate General Secretary Mission in chhiar chhuakin a sawifiah bawka, sawiho a ni a. Ruahmanna an siam ang hian pawm a ni a. Siamthat ngaite siam thain Assembly-ah thlen nise, tih a ni.

## **2. MISSION COMMITTEE THUTE**

- 2.1 Cambodia-a Missionary tirh thu :** Mission rawngbawlanaa BCM in hma kan lak tharna atan Cambodia rama Missionary tirh nise tiin Mission Committee chuan Assembly Executive Committee-ah a rawn thlen a. Hemi atana a tulna leh mamawhna write-up sem a ni a. Associate General Secretary Mission-in a sawifiah a, sawiho a ni.

Finance Committee-in kan sum dinhmunte enin Executive Committee lehah a tul angin lo thlen rawh se, tih a ni.

- 2.2 Zawlpui Primary School (English Medium) Middle School-a up-grade thu :** Mizoram chhunga kan Mission rawngbawlana pawimawh tak Zawlpui Primary School, Middle School-a upgrade thu hi Mission Board in Mission

Committee-ah a thlen a, Mission Committee chuan Assembly Executive Committee-ah a rawn thlen a ni. Ruahmanna ziakin sem a ni a, sawiho a ni a. Finance Committee in lo thlir sela, a tul angin Assembly Executive Committee lehkha lo thlen rawh se, tih a ni.

- 2.3 Adhoc basis-a North India Mission Field Committee din phal dilna :** North India Mission field-ah hian BCM Missionary chhungkaw pakhat (Rev. Dr. V. Laldingiana) kan nei a. Hmun dang angin Field Committee an nei lova. Thil tul hrang hrang ngaihtuahin adhoc basis-a Field Committee din a tulin hriat a ni a. Mission Board meeting-ah ngaihtuah a ni a, Mission Committee-ah thlen a ni a, Mission Committee chuan Assembly Executive Committee-ah a rawn thlen a ni.

Mission Committee chuan ruahmanna a siam chu ziakin sem a ni a, chhiarchhuah a ni a, sawiho a ni. An ruahman ang hian pawm a ni a, tawngkam thenkhat siamthat a ni. Hetiangin:

### **NORTH INDIA MISSION FIELD COMMITTEE ADHOC-A DIN DAN TUR**

North India Mission Field-ah hian BCM missionary dik tak chu kan Field Director leh a nupui chauh an ni a. An rawngbawlna hriatpui a, ruahmanpui an tulna apianga ruahmanpui turin Field Committee hi din a tul hlein an hria a. Amaherawhchu, nupa ringawta din chu a rem chiahin an hre si lova, Adhoc-a din mai a, member tur an rawngbawlna tuipui mi tlema zawng sawmkhawm mai an rawn dil a ni. Mission Board meeting chuan hotu ten ruahmanna lo siam rawh se tih anih angin hetiang hian siam a ni.

1. **A hming:** North India Mission Field Adhoc Committee
  2. **A din chhan:** North India Mission Field-a BCM rawngbawlna mumal taka ruahman tur te, endik tur te, kawng hrang hranga Field Director fin chhuah tur te a tul dan ang zela tawiawm tur te, BCM rawngbawlna min hriatpui tur te-a din a ni.
  3. **Chairman:** B. Lallianggura
  4. **Secretary:** Rev. Dr. V. Laldingliana
  5. **Member te:**
    - 1) Pi Lalroziki, W/o Rev. Dr. V. Laldingliana
    - 2) T.C. Zothansanga, Evangelist
    - 3) Lalrinsangi Ralte, W/o Lalkailiana (L) Chanmari, Aizawl
    - 4) Elizabeth Zadeng, (Ph.D., DU)
    - 5) B. Lallianggura, (M.A., DU)
    - 6) F. Malsawmtluangi (Nurse, AIIMS)
    - 7) R. C. Vanlalruata, (UPSC Coaching)
  6. Adhoc Committee hi kum khat atan a ni anga, chhunzawm zel chi anih leh nih loh Mission Board Meetingah ngaihtuah a ni ang.
  7. A tih tur leh mawhphurhna chu kan Mission Field Committee dang ang chiah a ni ang.
  8. A tul dana zirin BCM hotute inbe rawnin engtikah pawh North India Mission Field Adhoc Committee hi an ti tawp thei ang.
  9. 1<sup>st</sup> September 2012 atangin an function nghal thei ang.
- 2.4 Living Word Communicators leh BCM thawhho chungchang:** Living Word Communicators hi hun rei tak Mission rawngbawlna lama kan thawpui tawh, kum 2001-a Assembly Executive Committee-in thawhpui tura kan lo tih tawh, a taka kan lo sign-pui loh a ni a. Tun hnaiah Living Word Communicators lam hian thawhdunna

thuthlung ziak fel (sign) an duh thu an rawn thlen leh a. Mission Committee chuan Assembly Executive Committee-ah a rawn thlen a ni.

Sawihlo a ni a, an rawn thlen ang hian remtih a ni a, ruahmanna Cooperative Agreement tih hi mi dang nena kan thawhhona tawngkam MoU tih hi hman ve nise, kan kalphung angin Signatories-ah pawh President leh General Secretary nise, tih a ni.

### **3. ADMINISTRATIVE WORKING COMMITTEE THUTE :**

- 3.1 Rev. Lalhnehliana chawlh lailawk tir thu (Report):** Rev. Lalhnehliana Phawngpui North Bialtu Pastor chu Nulat tlangval thua a hming hliau deuhva hriat a nih avangin Assembly puipate'n an lo zilh tawh a. A hming hliauna ngaiah hian thuthar a awm leh avangin Administrative Working Committee chuan a chungchang thu hi ngaihtuahin thla hnih (2) chhung atan a lo suspend ta tih report a ni.

Hetiang hi a lo nih takah chuan S. Vanlaiphai Bialtu Pastorte, Rev. R. Thanmawia leh Pro Pastor Aibula Fanai chu Phawngpui North Bial hmui turin tih an ni.

- 3.2 Baptist House Chanmari Aizawl luah dan tur :** Aizawl Chanmari-a Baptist House sak mek chu engemaw zat sak zawh tawh a ni a, a luah dan tur Administrative Working Committee-in ruahmanna a siam chu General Secretary in a report a, kalpui zel nise tih a ni. Hetiangin :

#### **BCM Building, Chanmari. Aizawl Luah dan chungchang**

Administrative Working Committee Ni 25 July 2012 chuan BCM Building. Chanmari Aizawl luah dan tur ruahmanna a siam tawh a. Chumi rual chuan BCM Chanmari Aizawl-in Flat (Rev Zairema building opposite. Aizawl) an lo lei tawh

hi BCM Pastor Quarters atan BCM-ah hlan ve thung tura inremsiampui tum nise tia rel a ni a; hei hi Assembly Executive Committee meeting, August-ah report nise tih a ni. Chutiang chuan BCM Chanmari Aizawl pawh hriattir an ni. Hemi chungchangah hian BCM Chanmari Aizawl chuan rawtna leh duh dan dang deuh an neih avangin AEC a mumal taka report theih turin hotute nena sawiho turin an lo kal a, Ni 20 August 2012 hian Administrative Working Committee-ah sawiho a ni. Hetiang hian rel a ni.

- 1) **BCM Building top Floor:** He Floor hi BCM Chanmari Aizawl Biak In atana hman tura tih a ni a. BCM-in kan sa zel ang tih a ni. BCM Chanmari hian an inkhawmna tur hi sak an inhuam thu hriat a ni a, **Tichuan BCM-in sa chhunzawm tawh lovin anmahniin sa chhunzawm tawh zawk se, Architech rawih ngai leh sen ngai apiang pawh anmahni hian tum tawh zawk se** tia tih danglam a ni.
- 2) **Basement No II BCM Hall:** He floor hi tuna BCM Chanmari-in Inkhawm nana an hman mek hi a ni, Adm Working Committee chuan **BCM Hall** a ni ang a, amaherawhchu BCM Chanmari hian an mamawh anga an hman turin a rel a. Hei hi ngun taka ngaihtuahin hetiang hian tih danglam a ni:- **Basement No II hi BCM Chanmari Kohhran puala dah nise tiin**
- 3) **BCM Chanmari Flat chungchang:** Hei pawh hi Adm Working committee chuan BCM-a hlan turin hotuten lo sawipui rawh se tia a dah a ni. Hetiang hian thu zial fel a ni:- **BCM Chanmari hian Basement No II hi an puala dah a nih chuan he an Flat lei tawh hi BCM-a hlan an phal a, amaherawhchu tuna a luah mektute nen hian kum khat dang atan agreement an lo siam leh tawh avangin tun maiah inhlan a remchang lovin**

**an hria a. Financial year thar-April 1, 2013 ah BCM-ah hlan turin inbuatsaih nise tih a ni.**

- 4) **Thil dangte:**-Basement No II, He floor hi Caretaker awmna tura Architech-in a ruahman niin a lang a. A luahtu azira singsak theih tura sawiho a ni. Tin, Car parking floor a Dawr hmun siam te, BCM Conference Hall (1<sup>st</sup> Floor) hman dan tur te, Step leh Water tanky siam dan tur leh tul dangte pawh sawi a ni a. Heng bakah pawh hian sawiho ngai a awm nual dawn a, a tul anga la sawiho zel nise tih a ni .
- 5) **Agreement:** BCM Chanmari Building leh BCM Chanmari Flat inhlan/luah dan tur hi BCM Chanmari Kohhran te nen inremsiamna (agreement) fel tak siam nise tih a ni bawk.

Heng baka tul apiangte pawh Puipaten lo umzui zel se, tih a ni.

- 3.3 **Health Care Scheme chungchang sawifiahna :** Health Care Scheme hnuai BCM thawktuten Medical Reimbursement (MR) bill theih dan Pay Rules-a mi ‘chhungkua’ (wholly dependent) tih hian a huam chin inhrilhfhiah a ni a, ‘in law’ chin hi chu a huam love, tih a ni.

- 3.4 **Lairam Gospel Centenary hmanpui tura sawmna:** LIKBK chuan November 24 – 27, 2012 hian Lairam Gospel Centenary an lawm dawn a. He hun hmanpui tur hian BCM minrawn sawm a, ngaihtuah a ni a. Assembly puipaten a tul angin lo bawhzui rawh se, tih a ni.

- 3.5 **Thawktute hlawh D.A leh Budget pun dan tur :** Kum thar 2013 – 2014 atangin BCM thawktute hlawh D.A 30% in pung se, Budget pumpui punna nuai 450 velah tihpun tum nise, tih thu Administrative Working Committee-in Assembly Executive Committee-ah ngaihtuah turin arawn thlen a ni.

Tunah Kohhran pawl hrang hrangte hlawh zat pawh member-ten kan hriat tlan atan sem a ni bawk.

Sawih a ni a, Working Committee rawtna ang hi pawm a ni a (Pensioner leh fixed pay te pawh a huam tel a) Budget pumpui punna nuai 500 aia tam lo nise, tih a ni.

- 3.6 Friends Missionary Prayer Band aiawh :** Friends Missionary Prayer Band (FMPB) atangin Immanuel Murmu chuan Executive Committee member-te hmaah FMPB dinhmun leh hmalakna report tlangpui a pe a. BCM leh FMPB kan thawhho theih avanga lawmthu sawi pahin FMPB te mahni remchan ang zela nasa lehzuala tanpui turin min sawm a ni.
- 4. Tawpna :** Chairman-in a sawm angin Upa Dr. R. Tintlunga Hnialum a tawngtai a, rorel hi 6:15 Pm ah tihtawp a ni.
- 5. Minute chhiar leh pawmna :** BCM Puipaten minute hi lo chhiar se, lo pawm rawh se, tih a nih angin August 30, 2012 (7:00 Am)-ah chhiarin pawm a ni.

Sd/-

**Rev. F. Sangvela**  
Chairman/President Elect,  
Baptist Church of Mizoram

**Rev. H. Lianggaia**  
General Secretary  
Baptist Church of Mizoram

